





太宗文皇帝實錄

永樂十九年春正月甲子朔

上以北京

郊社

宗廟及宮殿成是日早躬詣

太廟奉安

五廟太皇太后神主命皇太子詣

天地壇奉安

昊天上帝

厚土皇地祇神主皇太孫詣

社稷壇奉安

太社太稷

神主黔國公沐晟詣山川壇奉安山川諸神主禮畢  
上御奉天殿受朝賀大宴文武羣臣及四夷朝使

乙丑

宗陸中書舍人朱孔暘為翰林院編修

丙寅

刑部尚書吳中都察院右都御史王彰言天下文  
武官來朝稽其政務有空缺軍伍者有逋負錢糧  
者有刑名失當者有不能振舉學校及勸課農桑

者有董造作而慢其廢事者請付法司正其曠官  
之罪

上皆宥之令復職命今後再有廢弛職務者罪之

丁卯

命翰林院學士兼左春坊左諭德楊士奇為左春  
坊大學士韃靼都督馬兒哈魯弟也力帖木兒  
及東寧衛韃靼頭目噉哈等來朝各賜鈔幣及文  
綺龍衣都指揮谷祥有罪下獄死初祥為永平衛

指揮僉事

上興義兵攻永平城祥以

上命竭力修戰守之具以禦敵用功陞都指揮使仍  
鎮永平至是命祥備禦倭寇恣肆貪虐培剋部屬  
扶死指揮梁海事聞命法司鞠治死於獄  
己巳  
和寧王阿魯台遣都督脫脫木兒等貢馬脫脫木  
兒等至邊境要劫行旅邊將以聞請禁止之  
上遣使賫勅諭阿魯台戒戢之蓋虜自是驕蹇朝貢  
不至  
是日交趾總兵官豐城侯李彬遣都指揮  
師祐追賊潘僚琴<sup>貴</sup>等至王麻州時僚八老搃借  
兵責等逆戰於農巴林以象衝官軍指揮張銘千

戶張本等奮入賊陣射乘象者繼以火器攻之象  
反走賊大奔潰斬首百餘級生禽三十餘人責弟  
結以所領二百人降  
庚午  
享  
太廟

辛未  
以大祀南郊

上御奉天殿文武群臣受誓戒

大甲戌

大祀天地于南郊

上還御天殿文武群臣行慶成禮

乙亥

以郊祀禮成大宴文武群臣及四夷朝使

丙子

禮部尚書呂震上蠻夷來朝賞例三品四品人鈔百五拾錠錦壹段紵絲三表裏五品鈔百二十錠紵絲三表裏六品七品鈔九十錠紵絲二表裏八品九品鈔八十錠紵絲一表裏未入流鈔六十錠紵絲一表裏

上曰朝廷馭四夷當懷之以恩今後朝貢者悉依品

級賜賚雖加厚不為過也

都察院右都御史王彰等劾奏陝西行都司都指揮李文劉廣陳賢陳聚呂均邊備不嚴致虜騎入塞殺傷軍士請治其罪

上命姑宥之令省過自效

命懷來薊州衛各以馬千匹宣府等衛以馬萬匹於保安州順聖川牧養

上初命都督吳城等按視牧地還言順聖川宜馬遂命先以千匹試之至是太僕寺言牧養蕃息請增

馬故有是命

丁丑

天全六番招討使司副招討楊欽等來朝貢馬及方物賜鈔幣遣還

戊寅

大赦天下詔曰朕荷

天地祖宗之祐繼承大寶統馭萬方祇勤撫綏夙夜無間乃者做成周錫洛之規建立兩京為子孫帝王永遠之業爰自經營以來賴天下臣民殫心竭力趨事赴工今宮殿告成朕御正朝祇祀

天地宗社眷懷黎庶嘉興維新弘敷寬卹之仁用洽好生之德其大赦天下自永樂十九年正月十五日昧爽以前除謀反大逆謀殺祖父母父母妻妾殺夫奴婢殺主謀故殺人蠱毒魘魅毒藥殺人強盜不赦外其餘已發覺未發覺已結正未結正罪無大小咸赦除之敢有以赦前事相告言者以其罪罪之所有事宜條例列于後一文武官吏軍民人等有為事工作等項悉宥其罪官吏復還職役軍還原伍匠仍當匠民放寧家一軍官旗軍將軍力士校尉舍人餘丁犯罪未經斷決發遣各處立功

及哨瞭等項者盡行赦宥復還職役立功者仍前  
立功已斷發充軍者不在此例一文武官及總小  
旗有為事已復職役仍任支俸糧并支半俸者俱  
照舊開支一逃年虧欠倒死馬駝驢騾等畜及拖  
欠蘆柴未納各項贓罰并虧折等項追陪未完顏  
料一應物件盡行蠲免其倍追一應物件止追該  
納正數倍追者蠲免一軍民該辦柴炭自永樂十  
六年以前拖欠未納者悉皆蠲免一逃年拖欠虧  
兌未完稅糧農桑及諸色課程草束等項經該官  
吏人等俱宥其罪仍令照數納足一逃軍逃匠許

令赴官首告與免本罪軍還原衛匠當仍匠一失  
班罰工人匠及鎖鑰終身工作者盡行釋放仍舊  
輪班一各處逃移人戶悉宥其罪許於所在官司  
首告發回原籍復業其戶下虧欠稅糧盡行蠲免  
一各處監收及起取未到尼始道姑悉宥罪還俗  
一凡有軍民利病及貪官污吏作弊害民仍前不  
改者許人具實奏聞以除民患一各處造作除軍  
需等項急用外餘不急之務並皆停止一今後諸  
司所行事務悉遵舊制不許更改敢有更改變亂  
成法者治以重罪一民間有懷材抱德堪任用者

許諸人奉保量才擢用不許徇私濫奉一鰥寡孤  
獨及篤癡殘疾者有司依例存卹無令失所民年  
八十以上有司給絹二疋布二疋酒一斗肉十斤  
時加存問於戲休天為治覃敷曠蕩之恩與物皆  
春同樂太平之世故茲詔示咸使聞知  
元霄節賜文武群臣宴

安陽侯郭義卒義山東濟寧人初為張士誠小校  
察其不足成大事拔身歸

大祖高皇帝隸行伍從大將征伐勇敢強戰授百戶  
調燕山右護衛隨

上征胡寇乃見不花及捕魚兒海等處皆與有勞陞  
本衛千戶從靖內難破雄縣下鄭州克真定援永  
平取大寧鏖戰于壩上奮不顧身殺傷過當以功  
累陞至中軍右都督永樂十八年封安陽侯命下  
時義在南京已病革聞命而卒義為人強毅雖老  
精力不衰勤於軍政計聞  
上悼惜之賜祭命有司治喪葬

命平江伯陳瑄克總兵官率領舟師僭運糧儲赴  
北京諭之曰北京所軍需糧餉為切而人力漕運

不勞卿能公勤御衆使倉庾充實所助多矣然民  
力有限國用無窮卿宜益勤撫卹宜俾軍士樂於  
趨事雖久而不怨斯國家所賴不淺矣勉之勿怠  
廣東瓊州府寧遠縣王官縣丞邢京率生黎峒首  
羅淋等來朝貢方物賜鈔及文綺有差

夜月食既京以歲事開命而平儀遠入遊於極次  
辛巳

廣東巡海副總兵指揮李珪於潮州靖海遇倭賊  
與戰殺敗賊衆生禽十五人斬首五級并所獲器  
械悉送北京

壬午

貴州宣慰使安卜葩來朝貢馬賜鈔幣遣還

癸未

改貴州右布政使李汝器於四川布政司 復廣

西道監察御史于賢官賢嘗坐罪謫督工工畢復

之

古麻刺朗國王幹義亦敢奔還國賜黃金白金銅  
錢文綺羅紗絲絹金織龍衣麒麟衣并賜其妃及  
子及陪臣衣服文綺絲絹有差

甲申

置雲南車里靖安宣慰使司先是車里軍民宣慰使司土官二員刀弄為宣慰使其叔刀雙孟為宣慰同知至是雙孟言刀弄屢以兵侵劫驚擾蠻民不得寧居乞別設治所分撫息其衆從之割其地置車里靖安宣慰使司陞雙孟為宣慰使命禮部鑄給之

乙酉

秦寧衛都督阿只罕遣弟塔刺孩子者亦等貢馬命塔刺孩為都指揮僉事者亦為指揮使賜誥命冠帶襲衣鈔幣遣還

戊子

兵部言廣東都指揮李端捕倭失机已就逮

上命選能幹官往率衆備倭 忽魯謨斯阿丹祖法兒刺撒不刺哇木骨都束古里柯枝加異勒錫蘭山溜山喃勃利蘇門答刺阿魯滿刺加甘巴里十六國遣使貢名馬方物命禮部宴勞之

己丑

前軍都督府右都督童信卒信遼東三萬衛人初以小校從

上靖內難勇敢負氣每出戰輒有奇功自百戶累陞

至都督卒遣官賜祭命有司治喪葬 四川福興  
等六井鹽課司副使田吉祥言寶鳳井歲額鹽三  
萬九千六百斤連歲河溢井沒于水煎不及額近  
得南部縣黃祿古井以水煎試比寶鳳井增鹽千  
百八斤乞就彼開煎從之

辛卯

禮部尚書呂震言於

皇太子曰殿下前在南京數遣中官進保進奏牘每  
至輒有殿下過失上聞皆出其妄言今宜跡此人  
皇太子曰過失人豈能無今

至尊既不信之我又可與此人計較耶卒寘之

壬辰

魏國公徐欽自南京來朝遽辭歸

上謂吏部臣曰中山王功在社稷為國元勳欽嗣爵  
位宜篤前烈徃者不知奉法孤朕委任故令讀書  
以廣聞見今復不俟命汲汲圖歸此豈有立志可  
罷為民俾歸鳳陽守先塋用頓挫之庶幾將來不  
墜其家

癸巳

忽魯謨斯等十六國使臣還國賜鈔幣表裏復遣

太監鄭和等賫勅及錦綺紗羅綾絹等物賜諸國  
王就與使臣偕行

大明太宗文皇帝實錄

大明太宗文皇帝實錄

永樂十九年二月甲午朔

乙未

改四川按察僉事奚士安於山西按察司

丁酉

遣官釋奠先師孔子

戊戌祭

太社

太稷

己亥

禮部會試天下舉人奏請考試官

上命左春坊大學士楊士奇翰林院侍讀周述考試  
賜宴於禮部

辛丑

命都督僉事胡原充總兵官都督僉事梁銘都指  
揮使薛山為副率領原調廣東都司所屬官軍五  
千人巡捕倭寇擢庶吉士周崇厚高穀宋琰胡  
觀朱景章文昭張益柴蘭舉人劉鉉生員羅淵于  
需夏衡凌壽秀才衛靖宣嗣宗程南雲張子俊胡  
宜衡姚繼黃振宗俞宗大陸友仁余攷善劉賢李

栖霞俱為中書舍人改青北京道監察御史汪勝

徐爵俱與雲南道

壬寅右軍都督僉事蘇火耳灰貢馬賜之鈔幣

癸卯

四川福興等六井鹽課司副使田吉祥言本井今額  
地近得源身小成鹽池三井可以開煎比舊額增  
鹽八千八百二十斤乞就彼煎辦庶稅課不虧從  
之

甲辰

雲南順寧府土官知府猛英遣弟猛巽等貢駝馬

賜之鈔幣  
丙午

周王擴至京師

上以俺三等所告不軌之詞示之擴頰首言死罪死

罪

上以至親故優容不問

戊申

遣官祭先農管千戶脫力禿古等還自瓦剌賢義

王太平安樂王把禿孛羅及昂克賽因孛羅等各

遣使貢馬命禮部賜宴

辛亥

朝鮮國王李禔遣使臣申浩等貢馬賜鈔五百錠

文綺十六表裏

壬子

陝西通渭縣飢

命發倉粟賑之凡二千六百八十石

己未

賑直隸滁州之全椒河間之吳橋二縣飢民千八

百一十二戶免給倉糧四千六百五十石

壬戌

楚王楨慶王榘來朝宴於華蓋殿賜其從官宴於中右門

○三月癸亥朔

辛未

命楚王楨還國宴如初至錫賚甚厚賜其從官鈔有

差

壬申

命刑部都察院犯笞杖徒流雜犯死罪者覆審無冤

令輸作贖罪

癸酉

禮部會試天下舉人得陳中等二百人賜考官宴

于本部

丁丑

上御奉天殿試禮部選中舉人陳中等及前科未廷

試舉人尹安允二百一人制策曰帝王之治天下

必有要道粵自堯舜至于文武聖聖相傳曰執中

曰建中曰建極千萬世帝王莫不守此以為天下

治朕自蒞作以來夙夜祇承亦惟取法于唐虞三

代然而治效未臻其極者何欤意所謂中極之外

抑別有其說歟且古今論治之盛者於舜則曰無

為於武王則曰垂拱稽之於書舜命九官十二牧  
敬天勤民制禮作樂敷教明刑皆有事焉安在其  
無為武王大告武成之後列爵分土簡賢任能修  
五教舉三事立信義行官賞亦有為矣安在其垂  
拱朕今欲無為垂拱而治舍舜武將何所取法歟  
諸生講習先聖之道所以考之於古而宜之於今  
者必有其說朕誠以為非堯舜無以為道非文武  
無以為法非無為垂拱不足以為治然所以求盡  
其道求底其法求臻其治者亦尚有可得而言歟  
其備陳之無泛無畧朕將親覽焉

辛巳

上御奉天殿閱舉人對策擢曾鶴齡為第一賜鶴齡  
等宴於禮部

癸未

命故都指揮僉事王福子喜襲父原職為旗手衛指  
揮使羽林前衛指揮僉事夏璟子信襲父職

甲申

賢妃喻氏薨

上輟朝一日賜祭謚昭順喪葬禮視昭獻貴妃云

丙戌

賜進士曹鶴齡冠服銀帶餘並賜鈔五錠

置車里靖安宣慰司流官經歷都事各一員設貴州  
布政司思州銅仁石阡黎平新化五府醫學及思州鎮  
遠黎平銅仁石阡新化六府并貴州宣慰司七陰陽學  
丁亥

瓦剌賢義王太平安樂王把禿孛羅等使臣辭還  
賜鈔幣有差復遣太監海童等賫絲幣表裡往賜之  
仍降詔諭其部落曰瓦剌部落往年寇邊之罪已  
在赦前一切不問自今其頭目人等能摠誠未歸  
悉殺以官初瓦剌為阿魯台所敗其部衆流散有

近我邊境者懼為邊將所執故下詔安之

太宗文皇帝實錄卷之五十五

置中書省安撫使司統官統在都省

布政司惠州歸仁府新化五府

平州宣慰司七

丁亥

元朝

太宗

太宗

太宗

太宗

太宗

太宗文皇帝實錄

永樂十九年夏四月癸巳朔享

太廟

甲午

上御奉天殿進士曹鶴齡等上表謝恩 封慶王

嫡長子秩燧為慶世子第二子秩燾為靜寧王第

三子秩焄為安化王第四子秩熒為真寧王第五

子秩煉為岐山王並給賜儀仗

乙未

以會州富峪大寧前三衛直隸後軍都督府

有星如盞大青白色有光出房宿西南行至近濁  
丙申

命周王捕還國王正位

戊戌

慶王攝還國宴如初至錫賚甚厚賜其從官欽有

差

庚子

奉天華蓋謹身三殿灾

壬寅

勅諭文武群臣曰朕恭膺天命祇紹鴻圖爰倣古制

率建兩京乃永樂十九年四月初八日奉天等三  
殿灾朕心惶懼莫知所措意者於敬天事神之禮  
有所怠欵或祖法有戾而政務有乖欵或小人在  
位賢人隱遁而善惡不分欵或刑獄冤濫及無辜  
而曲直不辨欵或說慝文作誦諛並進而忠言不  
入欵或橫征暴斂剝削倍尅而殃及田里欵或賞  
罰不當蠹財妄費而國用無度欵或租稅太重徭  
役不均而民生不遂欵或軍旅未息征調無方而  
饋餉空乏欵或工作過度徵需繁類而民力凋弊  
欵或奸人附勢羣吏弄法抑有司闡葺罷<sup>慄</sup>貪殘

忘縱而致是歟下屬於民上違於天朕之冥昧未  
寔所由爾文武群臣受朕委任休戚是同朕所行  
果有不當宜條陳無隱庶圖悔改以回天意

癸卯

蘇祿國東王之母遣王叔叭都加蘇哩等貢方物  
賜叭都加蘇哩冠帶襲衣紗紵絲文錦紗羅綵絹  
賜其從人有差

甲辰

翰林院侍讀李時勉侍講鄒緝等言便民事其畧  
曰天下有司官吏不能賢屢蒙勅監察御史按察

司考覈黜陟而所司不加詳察其重厚廉介不能  
逢迎阿附者多考平常而貪墨姦詭善於趨媚者  
反考稱職人無懲勸宜歲勅按察司廉正官徧歷  
群縣察其治行仍命監察御史覆覈具奏果勤慎  
廉能政績顯著者請加賚增秩以勵其志貪黷培  
刻怠政廢職者請即時黜罰以警其餘如有善不  
舉有惡不糾致賢否混淆他日廉勛得出罪坐所  
考之官又言連年四方蠻夷朝貢之使相望於道  
實罷中國宜明詔海外諸國近者三年遠者五年  
一未朝貢廢幾官民<sub>兩</sub>便又言江西湖廣浙江并

直隸應天等府州縣秋糧每歲運赴北京道踞險  
遠困敝不堪宜於淮安徐州濟寧濱河置三倉  
量地遠近分撥運糧別設法運至北京少紓民力  
又言近年營建北京官軍悉力赴工役及餘丁不  
得生理衣食不給有可矜憫宜勅軍官加意撫恤  
增給月糧寬餘丁差徭使給其家又言比來兵政  
不修武備廢弛宜勅內外武臣各整部伍以時操  
練用備不虞從之時給事中柯暹監察御史何忠  
徐瑤鄭惟桓羅通刑部主事高公望翰林院庶吉  
士楊復等並言時政

上披覽皆嘉納之

乙巳

詔曰朕恭膺天命統御華夷夙夜祇承罔敢怠忽  
比循往制肇建兩京惟在安民以隆鴻業乃永樂  
十九年四月初八日奉天等三殿災朕懷兢懼莫  
究所由固朕不德之所致欵抑任用匪人而致然  
欵今詔告中外凡有不便於民及諸不急之務者  
悉皆停止用蘇困弊仰答天心所有事宜條示于  
後一各處永樂十七年以前拖欠稅銀課程鹽課  
馬草等項及十八年被災田地糧草悉皆蠲免一

各處逋負各項銅鐵顏料席麻木植等物及倒死  
各項頭匹虧欠一應倉糧鹽課等項并廣東追陪  
真珠悉皆蠲免一各處開辦金銀課除已煎銷見  
收在官外其餘暫行停止舊額歲辦課銀并差發  
全不在其例一各處置辦一應物料除軍需急用  
其餘不急之物暫行停止敢有指此為由仍復科  
害徵民者治罪不饒一陝西四川攢運茶課暫且停  
止其有已起運者仍令運赴所指茶馬司交收一  
各處抄造及買辦紙劄暫行停止一下番一應買  
辦物件并鑄造銅錢買辦麝香生銅荒絲等物暫

傳一往諸番國寶船及迤西迤北等處買馬等項  
暫行停止一有被水旱缺食貧民有司取勘賑濟  
一逃移人戶招回復業優免雜泛差勘一年仍將  
本戶迎年拖欠稅糧等項蠲免一法司所問囚人  
今後一依大明律擬罪不許深文妄行榜文條例  
一軍官有犯笞杖徒流遷徙雜犯死罪有降戍及  
發遣各處充軍并充軍立功哨瞭等項者俱復原  
職一官吏人等垣因營造買辦物料及失悞違限  
等項得罪者悉皆宥免各還戍役一營造軍夫  
匠但有傷故者有司加意撫恤家免其雜泛差役

一諸司官吏及差使人員貪贓害法故將手民若  
虐者許所在按察司及巡按御史即便禽拿赴京  
連家小發邊遠充軍一諸司吏卒引兵皂隸牢子  
多有久戀衙門浸潤官長起戒詞訟說事過錢虐  
害良善者所在按察司及巡按御史即便禽拿連  
家小發邊遠充軍一自今官吏敢有不遵舊制指  
以催辦為由輒自下鄉科歛害民者許里老具實  
赴京面奏處以重罪一各處擺站囚人有年限滿  
者即令發司撥替贖家放寧一北京太僕寺并各衛  
見養孳生馬匹今後有虧欠馬駒者照例追欵一

修造往諸番取隻暫行停住毋得重勞軍民於戲  
奉承天戒敢忘修省之城惠緩蒸民用舉寬仁之  
政故茲詔示咸使聞更知

丙午

朝鮮國王李禔遣陪臣伊子當等奉表貢方物賀

萬壽聖節

己酉

萬壽聖節先期禮部奏行慶賀禮

上勅文武群臣曰比者

上天垂戒奉天等三殿灾朕心勤惕寢食不寧方反

躬省愆違，遑夙夜而禮部謂朕初度請行賀禮，此豈所以相朕恭承

天意，蓋益重朕之不德也。其止勿賀。

庚戌

朝鮮國陪臣尹子當等辭還賜之鈔帛

辛亥

暹羅國王三賴波磨刺扎的賴遣使柰懷等六人

貢方物謝侵滿刺加國之罪，賜鈔文綺紗羅有差

壬子

江安郡主薨，訃聞賜祭，命有司治喪。主蜀獻王

第十一女配儀賓家晟云

癸丑

勅吏部尚書兼詹事府詹事蹇義等二十六人巡行

天下安撫軍民，勅曰：今命爾等分歷郡縣，撫安軍

詢察所苦，凡利之未興者興之，害之未革者革之。

諸司官吏蠹法厲民者黜之，守法愛民者旌之。爾

克副所命，致民安於田里，而無飢寒愁歎之聲，則

予汝嘉如<sup>有</sup>。徇私蔽公，不辨淑慝，不察是非，軍民

休戚不以究心，將爾之罪亦不可逭。欽<sup>哉</sup>命<sup>義及</sup>給

事中馬俊往直隸<sup>順</sup>，應天等府州尚書金純給事中

葛紹祖往四川都御史王彰給事中王勵往河南  
都御史劉觀給事中李瑒往陝西副都御史虞謙  
給事中許熊往浙江侍郎郭進給事中章雲往江  
西侍郎楊勉給事中徐初往福建侍郎郭敦給事  
中陶銜往應天等府州侍郎李昶給事中劉渙往  
山東太常寺少卿周訥給事中劉蓋往湖廣大理  
寺丞郭瑄給事中艾廣往廣東大理寺丞孫時給  
事中蕭奇往山西通政司叅議朱侃給事中楊春  
往廣西 禮部左侍郎儀智乞致仕賜勅獎諭遣  
歸智高密人溫重端憇由教官歷高郵知州寶慶

知府所至寬厚得民陞通政司右通政兼右春坊  
中允數月陞湖廣布政使司簡易疑重得藩臣體用  
生累被譴湖廣指揮使龔忠入見

上問湖湘間老儒宜有存者對曰臣愚不能盡識以  
臣所識儀智固老儒也然生小累斥矣即日召之  
既至以為禮部左侍郎遇事是是非非不肯附會  
嘗正旦日食

上命禮部尚書呂震議免賀禮震心以為宜賀智力  
為震言不可毋貽後悔

上聞智言曰是朕心也竟免賀

上命吏部翰林院簡求老儒授

皇太孫經同以智薦

上喜曰得之智侍

皇太孫教年啟迪匡益克盡其誠年八十歸無幾

卒

甲寅

貴州宣慰使宋斌播州宣慰使楊昇等來朝貢馬

賜襲衣鈔幣

丙辰

古麻剌朗國王幹刺義亦敦奔歸至福建以疾卒

遣禮部主事楊善諭祭賜謚康靖命有司治墳塋

葬以玉禮命其子刺苾嗣古麻剌朗國王率衆以

歸仍賜之鈔幣夜有星如盞大黃白色出壁宿

東北行至近濁

己未

老撾宣慰使刁線反遣頭目混典等十五人貢金

銀器賜鈔及綵幣有差

大明太宗文皇帝實錄

永樂十九年夏五月壬戌朔給授陽武侯薛祿惠安伯金玉永順伯薛斌鐵券并封贈其三代誥命上謂祿等曰卿等事朕又勤勞亦多所以致此不易矣但人情位高易驕祿厚易侈宜思得之不易保之惟艱則安榮始終傳及後嗣勉之勉之

命第一甲進士曾鶴齡為翰林院修撰劉矩裴綸俱為編修第二甲第三甲原習譯書衛恕陳融溫良姚本張恕萬碩黃澍楊昇王連李學吳得全朱子福王振彝謙韋昭等為庶吉士隸翰林院餘進士

令還鄉進學以待用  
陞翰林院修撰余昂為本院侍講  
浙江布政司左叅政戚遜為交趾布政司右布政使  
改浙江右布政使周幹於廣西布政司前  
山西道監察御史吳中於交趾道加謚昭順  
賢妃喻氏為忠敬昭順賢妃

甲子

陞表延安府延安縣民王榮妻朱氏揚州府興化縣民唐公孫妻林氏温州府平陽縣民黃叔安妻陳氏貞節俱以夫亡年少守義不二云

乙丑

陞給事中柯暹監察御史何忠鄭惟桓羅通等俱為知州  
時暹等應詔言事頗訐直  
上嘉納之然其詞侵工部尚書李慶等慶等不平數請於上罪之

上曰敬天故求言今罪言者是逆天可乎又曰朕於今正欲聞過古之明主皆獎直言今汝數請罪之是欲朕為何如主且彼所言汝等過失若誠有即因而改之豈非善德果若無之於汝何損命罪之將重其名而益朕與汝等之過失矣慶等慙而退

上然

上猶慮慶等或害之故悉陞於外任云

丙寅

榜葛刺國王賽弗丁遣使烏都蛮等貢犀角龍涎香等物賜冠帶襲衣及鈿帶有差

壬申

淳泥國王叔祖須麻億等九十二人來朝貢方物賜文綺表裡百疋罷絹衣七十襲仍賜須麻億等五人紋帽及金釵花帶一銀釵花帶二素銀帶二周王楠奏納三護衛官軍從之命駙馬都尉廣平侯袁容往河南量留隨侍外餘調赴北京

癸酉

命故羽林前衛指揮使趙端子安指揮同知田敬叔景春朱亮子廣旗子衛指揮使崔成子興濟州衛指揮使王礼姪剛金吾左衛指揮同知愛不花子哈只金吾右衛僉事王灰子斌通州衛指揮僉事裴祥子得燕山左衛指揮僉事王政子貴各襲

職

癸未

朝鮮國王李禔遣陪臣鄭擢等貢馬及方物賜之鈿幣

丙戌

全州守禦千戶所言夏初三江水漲壞城四百五十六丈串構六百餘間塌岸二十七丈城門樓一座乞量存征哨及守堡軍士修理從之

丁亥

改廣東右叅議宋獻於河南布政司

庚寅

交趾總兵官豐城侯李彬言交趾新附其地荒遠不通餽運乞依各都司衛所例分軍屯田以供糧餉約十分為率度地險易量事緩急以為屯守

征調之多寡其各衛土軍雖隸兵藉然攻戰之際心持兩端往往不得其死力今議屯田分數土軍居多軍居少其交州左右中前及鎮夷昌江清化七衛官軍以一分屯田九分備征守土軍七分屯田三分備征調交州後衛三江衛市橋千戶所官軍二分屯田八分備征守土軍八分屯田二分備征調屯田每人歲徵緇穀三十五石又安新平順化三衛官軍三分屯田七分備征守土軍六分屯田四分備征調演州南靖新安三千戶所官軍全不屯田土軍三分屯田七分備征調屯軍每人歲

徵稻穀十八石從之

*[Faint bleed-through text from the reverse side of the page, including characters like '田', '石', '徵', '穀', '十八', '石', '從', '之']*

大明太宗文皇帝實錄

永樂十九年夏六月壬辰朔

命故山西行都司都指揮僉事孟祥子興襲父原  
賊為羽林前衛指揮使羽林前衛都指揮僉事徐  
阿魯子脫羅罕襲指揮使旗手衛揮指使朱穀子  
榮府軍後衛指揮使謝英弟貴錦衣衛指揮同知  
表讓弟清金吾右衛指揮同知董勝子聚金吾左  
衛指揮僉事石涼子全燕山右衛指揮僉事李信  
弟興各襲職

癸卯

遣官祭中雷

甲辰

賑蘇州府吳縣浙江西安縣江西瑞昌縣飢民凡  
給倉糧萬一千八百石

庚戌

哈密忠義王免力帖木兒言瓦剌比遣人侵掠其境  
遣使賫勅責賢義王太平等令還所侵掠

辛亥

初山西行都司都指揮同知李謙奏大同右衛赤  
山兒猶兒庄鷄崖俱係極邊胡虜所窺之地宜設

軍備禦從之而總兵官都督劉鑑與謙不合勒軍

還至是

上聞之遣勅切責鑑軍乃復行

甲寅

禮部言國子監生歲益增又會試下第舉子例送  
監今學舍隘不能容請以監生南人者送南京國  
子監下第舉人發還原學進業以待後科自今歲  
貢生員請如洪武三十年例府一年州二年縣三  
年貢一人從之

乙卯

賑安慶府之潛山縣河間府之東光縣飢民凡萬  
四千九百五十三戶給倉糧五萬四千八百二十

石  
丁巳

邊將言謀者云阿魯台欲寇邊勅居庸等關嚴兵

備之

戊午

勅開平備禦成安侯郭亮等曰今草盛馬肥朕欲親  
巡興和開平其整飭軍馬以俟

勅鎮守寧夏寧陽侯陳懋曰近有報阿魯台欲寇邊

其嚴備之城池屯堡閭隘之處並須完固

勅興和備禦都指揮王喚曰今有報胡寇欲犯邊凡

應守備城池屯堡亟須修理朕將巡視焉

庚申

勅遼東總兵官都督朱榮及遼東都指揮巫凱劉青

於所屬衛分并韃靼女直麗寄住安樂自在州官

軍內選精銳五千以七月率北京

勅山東都指揮王真率領所調官軍三千以八月朔

至北京



命襄城伯李隆督運糧料二十萬石口外給官軍

乙丑

勅後軍都督僉事章安於口北各衛所選步騎一

萬赴宣府聽調

勅山西行都司都指揮李謙盛全選步騎一萬以

月中率領至萬全

命錦衣衛指揮劉儼齎勅諭左通政樊敬於河南等

處都運司磚官軍內選精壯二萬各委官率領以月

中至北京

丙寅

擢翰林院庶吉士周叙尹鳳岐習嘉言楊珙陳詢

俱為本院編修典籍黃約仲庶吉士彭麟應秦初

黃裳陳善常昭連智莊約許彬胡讓王諭馬信李

冠祿萬完甄讓陳紀張式猷俱為檢討庶吉士楊

盛寇厚衛恕張恕沈讓段莓姚本陳融溫良俱為

中書舍人改浙江左叅政劉子春於交趾布政司

四川按察司副使魏清於山西按察司

丁卯

嚴治宮之禁

己巳

上將親巡北邊初都督朱榮等領前鋒緝捕北虜聲  
息安遠侯柳升等領中軍馬步隊及大營圍子手  
并神機營寧陽侯陳懋等領御前精騎永順伯薛  
斌恭順伯吳克忠等領韃靼馬隊武安侯鄭亨等  
領左哨陽武侯薛祿等右哨英國公張輔等領左  
掖成山侯王通等領右掖

癸酉

命故保安懷德王庶長子志洞襲封保安王以無嫡  
子故也 賑直隸之寧津高邑歙縣湖廣之新寧  
福建之上杭縣飢民三千七百九十一戶凡給糧

六千一百七十石

甲戌

宜安郡主薨訃聞賜祭命有司治喪塋主周定王  
第十女配儀賓蔡義云

戊寅

惠安伯金玉卒王江浦縣人父益洪武中為羽林  
衛百戶卒王襲父職調燕山左護衛從

上靖難攻郡縣破大敵數建奇功累陞河南都指揮  
使永樂三年進驃騎將軍中軍都督僉事從征胡  
寇後效勞十八年封惠安伯暨卒遣官賜祭命有

司治喪至其妾田氏自經以殉贈淑人  
庚辰 梁三長主 臨安公主薨訃聞  
上報視朝四日賜祭命有司治喪至主  
大祖高皇帝長女母成穆貴妃孫氏下嫁駙馬都尉  
李祺薨年六十二

癸未

皇太子千秋節免賀禮

丁亥

中軍都督同知曹得卒訃聞遣官賜祭得山西天

同人洪武中克燕山左護衛總旗

上平內難攻城破敵率勇銳前奮以一當百累陞指  
揮僉事事平論功陞都督僉事進都督同知奉命  
守德州為人謹實御下不苛云

戊子

邊將奏有自虜中還者云阿魯台聞

上將巡邊舉其衆北徙遂罷各處所徵兵 給四川

永寧宣撫司等處僧道度牒

庚寅

勅山西行都司都指揮李謙盛全率所領軍還大同

俟明年二月至萬全  
庚寅

本年宣撫臣等奏請直隸

王保山等舉其果出

大慶州等處中

文長

平

上

工

同

大明太宗文皇帝實錄

永樂十九年秋八月辛卯朔日有食之

壬辰

太監海濱指揮白忠等還自瓦剌言亦力八里王

至思與賢義王太平構兵戰互有勝負

上曰夷狄豺狼不可信也勅邊將嚴備禦

癸巳

勅遼東總兵官都督朱榮山東都指揮王真河南都

指揮張禎山西都指揮朱銘等率所領軍馬還俟

明年二月至北京

甲午二月至山京

夜有星如盞大青白色有光出北斗杓西北行至

近濁然六宮積善未崇山東嶺計縣王真氏清德

丁酉

遣官釋奠先師孔子旌表常州府武进縣民王

祐妻曹氏兗州府滋陽縣民魏敏妻方氏開封府

洧川縣學生劉誼妻路氏貞節俱以夫亡守義至

老不二云

戊戌

大祭

太社太稷

庚子

命旦壽星見

勅後軍都督僉事章安罷遣所領官軍還各衛俟明

年二月赴宣府

癸卯

河間縣進白兔設貴州思南烏羅二府及普安

州陰陽學山東臨清縣南板閘各置官

丙午

遣官祭歷代帝王寧王權第五子生賜名磐煥



平歸德睢陽九衛西安三護衛通選步騎一萬四千三百都司各委能幹都指揮各衛委能幹率領以明年春至北京

漢世子瞻廢堯訃聞

上報視朝三日遣官賜祭治喪謚懿莊

上歎曰此兒雖循良使不死亦終不能匡救其父也

皇太子親王皆遣祭

大明太宗文皇帝實錄

永樂十九年秋九月辛酉朔

壬辰

陞左春坊左庶子鄒濟為詹事府少詹右春坊右

中允黃琮為右庶子

癸亥

陞工科給事中戴希文為太僕寺卿刑部郎中沈

潼為山西布政司左叅政宿州知州徐崇威為山

西按察司僉事

乙丑

初遼東總兵官都督朱榮言遼東邊儲不給宜令  
開中鹽糧下戶部議至是尚書夏原吉等定議准  
浙鹽每引米五斗於廣寧倉輸納不次支給從之  
丙寅拜命李彬掌中軍文選文選文選文選文選  
脩直隸高郵州新開湖塘岸 交趾總兵豐城侯  
李彬奏請以前河南都指揮使薛鵬掌新平衛事  
遼東都指揮同知吳浩掌又安衛事從之蓋二衛  
久缺官鵬等時坐事隨彬立功也  
己巳  
重陽節賜文武群臣宴

辛未

交趾總兵官豐城侯李彬奏反賊黎利逃入老撾  
今領軍追捕而老撾遣頭目覽者即谷等請官軍  
毋入境當盡發所部兵象搜索境內果有黎利即  
送軍門今利久不見出沒  
上覽奏頗疑老撾匿賊勅彬送覽者即谷等詣北京  
詰之

壬申

命故恭順伯吳允誠次子也兒克台為羽林前衛指

揮同知

命工部造狐帽毛襖給徭邊軍士 西番馬兒藏等  
命簇頭目阿東等劫掠沙刺簇事聞命都指揮李達  
遣人諭之令悉還所掠各守疆界如執迷不悛發  
兵征之

己卯賊誘誘去歸海賊沙刺簇事聞命都指揮李達  
友此總兵官豐城侯李彬遣都指揮王中等禽獲  
賊首楊恭初恭初僭稱王聚眾作亂官軍追捕恭敗走  
不能得志是獲其舅氏杜姪為鄉導追至新安府  
峽山縣擒之遂械送北京  
庚辰

壽昌王妃沐氏薨訃聞賜祭命有司治喪至

丁亥

夜有星如蓋大赤色光燭地起自尚書西北行至  
天津尾跡後散



命故金吾左衛指揮同知孟興姪貴羽林前衛指揮  
同知徐敬子友燕山右衛指揮同知楊勇子阿的  
納卯失刺子察罕不花指揮僉事陳慶子驢兒燕  
山前衛指揮僉事張把不來子廣壽各襲職

丁酉 蘇省五百六十五人未賸貢以缺要及增  
修浙江海寧等縣塘岸 年丹芒并星瑞等國五

壬寅

大皇第四孫瞻娘薨

上深悼之輟視朝三日賜祭追封靜樂王謚莊獻王  
皇太子第四子母李氏王資稟明秀孝友夙成自幼

穎悟好學喜儒術為人謙和恭謹左右近習無所  
假借間暇攻為詩文

上及

皇太子皆愛重之薨年十七葬昌平宜山

丙午 夜有星如盞大青白色有光出上司旁室西南行  
至雲中

丁未

永順伯薛斌卒斌初名脫歡父台洪武中以元故  
官未歸授燕山右衛指揮僉事台疾斌代職從

上靖內難以功累陞驃騎將軍左軍都督僉事後從  
征北虜陞都督同知封永順伯其卒也賜祭命有  
司治喪塋

庚戌

陞翰林院侍講鄒緝為左春坊左庶子仍兼侍講  
庶吉士董璘為翰林院編修刑部郎中段民為山  
東布政司左叅政戶部郎中沈固為右叅政監察  
御史周頤為叅議楊俊為按察司副使郭端為僉  
事禮部郎中田綱為湖廣布政司右叅政中書舍  
人陳彛訓為左叅議監察御史俞士悅陳鎰俱為

按察司副使

戶部言宣府等處急缺糧儲請令

法司罪人運糧贖罪雜犯死罪十石流罪八石徒  
罪六石杖罪四石笞罪二石從之

壬子

夜月犯靈中星

戊午

旌表四川龍州故儒學生嚴庸妻袁氏貞烈袁氏  
事舅姑孝姑疾侍湯藥不懈甚為鄉隣所稱庸一  
日歸省途中值水漲溺死袁時年十八亟趨夫溺  
處尋屍不見因大哭曰夫死無子我獨生為何即

投水死兩月水退漁人於沙際見二屍同處皆以  
節義所感有司以聞命禮部旌之十三年並  
節義所感有司以聞命禮部旌之十三年並  
節義所感有司以聞命禮部旌之十三年並  
節義所感有司以聞命禮部旌之十三年並  
節義所感有司以聞命禮部旌之十三年並  
節義所感有司以聞命禮部旌之十三年並  
節義所感有司以聞命禮部旌之十三年並  
節義所感有司以聞命禮部旌之十三年並  
節義所感有司以聞命禮部旌之十三年並  
節義所感有司以聞命禮部旌之十三年並

大明太宗文皇帝實錄

永樂十九年冬十一月庚申朔

欽天監進永樂二十年大統曆

上御奉天殿受之頒賜諸王及文武群臣

辛酉

分遣內官楊實監察御史戴誠等查勘兩京及天

下庫藏通年出入之數

乙丑

修河南嵩縣守禦千戶所城

戊辰

開平備禦成安侯郭亮奏瞭見野馬黃羊從者蒼  
古川往西涼亭西南又見隰寧堡北八十里墩野  
馬西走勅緣邊諸將嚴兵備虜

己巳歲

勅戶部侍郎李昶暫停餽運散遣軍士還家休息俟  
春暖復運蓋昶初奉命總督餽運於邊至是以冬  
上寒停止

高墜以自固

大丙子

上以北虜携貳命尚書夏原吉方賓呂震吳中等議  
將親征原吉等共議宜且休養兵民而嚴勅邊將  
備禦未奏會

上召賓賓言糧儲不足遂召原吉問邊儲多寡對曰  
僅給將士備禦之用不足以給大軍即命原吉

視開平糧儲而吳中入對與方賓同

上以邊廩空虛不懌召原吉頌繫之以大理寺丞鄒

師顏嘗署戶部并繫之於是賓懼自殺賓杭州人

自監生擢刑部試郎中數月改兵部建文中署應

天府事坐累謫廣東尚書茹瑺言其材可用遂召



十三府滁和徐三州督有司造車發丁壯挽送期  
明年二月至宣府魏運帝夜有星如鷄子大青白  
色有光出井宿西南行入參宿

丙戌 夜月掩東咸東第一星

己丑 靜寧王秩薨薨訃聞賜祭命有司治喪

王薨太子... 王薨太子... 王薨太子...

大明太宗文皇帝實錄

永樂十九年冬十二月庚寅朔

上視往南郊

辛卯

製文喜王和順王儀仗

丙申

置叙州府筠連縣三公口高縣江口珙縣洞門鋪

三巡檢司

丁酉

臘日賜文群臣宴

夜金星犯壘壁陣西第五星

壬寅 交趾布政司言糧儲不敷宜以淮浙官鹽召商於  
交趾中納不次支給其交趾官鹽換金者不為常  
例一體兼中候糧足用俱停止下戶部議於是尚  
書郭寶等定議交州北江諒江新安四府每引米  
四斗折稻一石建平清化二府每引米三斗五升  
折稻八斗七升又安新平二府每引米三斗折稻  
七斗五升順化府每引米二斗五升折稻六斗二  
升從之 夜有星如盞大青白色尾跡有光起自  
天市西垣彗星旁東南行至近濁

甲辰

勅鎮守河州都指揮劉昭於河州衛選土軍一百人

人二匹指揮康壽率領明年三月至北京

乙巳

慶王橐進馬賜鈔二萬錠絲幣表裡各百疋

丙午

夜月犯軒轅左角星

甲寅

朝鮮國王李禔遣陪臣崔淵得奉表及方物賀明  
年正旦

戊午享

太廟 是歲天下戶九百七十萬三千三百六十口  
五千一百七十九萬四千二百二十八賦稅糧三  
千二百四十二萬一千八百三十一石布帛二十  
二萬五千四百一十七疋絲綿二十二萬三千三  
百四十二斤綿花絨六萬九千一百五十九斤課  
鈔五千八百八十九萬二千八百八十六錠金千六  
百九十二兩銀十四萬九千二十兩有奇銅錢三  
千一百六貫銅二千一百二十八斤鐵十一萬三  
千七百八十三斤鉛二萬七百八十斤硃砂千五

百四兩海肥三十三萬二十六索茶一百萬四千  
六百九十五斤鹽一百八萬二十九引屯田子粒  
五百一十六萬九千一百二十石馬一百九萬九  
百一十二匹 魏運北京糧三百五十四萬三千  
一百九十四石有奇 交趾上供絹一千五百三  
十五疋漆二千五百斤蘇木四千五百二十斤翠  
羽二千七百二十五箇扇七千五百三十五把

卷之...

...

...

...

...

...

...

...

...

大明太宗文皇帝實錄

...





